



Nr. 4 2023/24

Part generala

Instrucziun da senudar

Las recumandaziuns vertentas pertuccont l'instrucziun da senudar e l'assistenza ad occurrentzas da far bogn entras persunas d'instrucziun ein vengidas messas ord vigur. Sin la pagina d'internet digl uffeci per la scola populara ed il sport (USS) cattan ins las disposiziuns novas.

Ulteriurs informaziuns



ChatGPT e scola

La publicaziun d'ina versiun da test dil *KI-Chatbot Chat-GPT* il decembre 2022 ha effectuau in hype en medias socialas e mieds da massa. Savens vegn la damonda tschentada, tgei consequenzas che generaturs artificials d'intelligenza sco [Chat-GPT](#) hagien per la scola. La professura «digitalisaziun e furmaziun» dalla scola aulta da pedagogia da Sviz (SAPSZ) eis'occupada pli detagliadament dalla tematica ed ha fatg accessibla sias valetaziuns alla publicitat.

Valetaziun ChatGPT&scola



Material supplementar tier New World 3-5

Gl'uffeci per la scola populara ed il sport (USS) ha prolunghiu il contract per menar la piattaforma *New World* cun la scola aulta da pedagogia dil Grischun (SAPGR). Las persunas d'instrucziun anflan vinavon material supplementar tier ils mieds d'instrucziun *New World 3-5*. Tier mintga unit anflan ins: Additional and differentiating teaching material, Games and Songs, Grammar, Sample test exercises, Vocabulary.

Sin la piattaforma da scomi *Moodle* anfleis Vus las materialias tier *New World* sut «Meine Kurse». Per arrivar sin *Moodle* ston persunas d'instrucziun e direcziuns da scola posseder

in conto da *Switch Edu-ID*. *Switch* ei ina fundaziun che porscha survetschs d'IT per las scolas aultas svizras.

Damondas tier *Moodle* resp. piattaforma da scomi



Video explicativ "Moodle"



Gruppas accumpignontas digitalisaziun

Las treis gruppas accumpignontas *digitalisaziun* che consistan da persunas d'instrucziun da tut las scolas popularas e da tut las regiuns linguisticas dil cantun, han giu duas sesidas dapi l'entschatta digl onn da scola 2022/23. Suenter in'emprema vasta discussiun davart ils temas lavuran las commembras ed ils commembers actualmain prioritarmein vid las cumpetenzas d'applicaziun. Emprems resultats davart il sustegn dall'instrucziun ein da quintar cun l'entschatta digl onn da scola 2023/24.

Tgei ein cumpetenzas d'applicaziun?



Gruppa accumpignonta talian primara

La gruppa accumpignonta talian ha publicau ils 31 da schanner 2023 il stan intermediar actual.

Stan intermediar talian primara



Brat persunas d'instrucziun cun la scola svizra da Milaun

Il cantun Grischun ei il cantun da patrunadi dalla scola svizra a Milaun. Sut la direcziun dad *educationuisse* ensemen cun *Movetia* survegnan las persunas d'instrucziun dil Grischun la pusseivladad da separticipar gl'atun 2023 ad in *job-shadowing* alla scola svizra a Milaun. Il project sedrezza a persunas d'instrucziun ed a direcziuns da scola ch'ein interessadas da

mirar sur l'atgna seiv ora, da seprofundar en in auter sistem da scola e da reflectar cun persunas d'instrucziun da Milaun davart novas realitads d'instruir.

Temps: 16–20 d'october 2023

Cuots: 250.00 francs per persuna

Annunzia: cun formular d'annunzia entochen ils 24 d'avrel 2023 directamein tier la menadra da project Margret Scherer (mscherrer@gmx.ch)

Attenziun: Il diember da platz ei limitaus.

Informaziun "Job-Shadowing Mailand"



Annunzia (formular)



Materialias davart "luf tscherver-luf-uors"

Cun il material d'instrucziun "*Il treis gronds ein da retuorn: luf tscherver-luf-uors*" possibilitescha Pro Natura a scolaras e scolars d'emprender d'enconuscher la moda da viver da nos gronds anmials da rapina. Ils affons emprendan, pertgei ch'ils rapinaders retuornan, tgei basegns ch'els han, tgei rolla ch'els giogan el sistem ecologic e tgei che lur deraszun significhescha pils carstgauns. En quei connex vegnan era ils conflicts, las mesiras necessarias ed ils differents pugns da vesta enviers quels animals tematisai. El senn dalla formaziun per il svilup persistent (NGF) vegn senz'auter dau peisa alla midada dalla perspectiva ed aschia al process da formar in agen meini. Ils documents ein concepi oravontut pil ciclus 2.

Luf tscherver-luf-uors, ils treis gronds ein da retuorn



Gudiment ni dependenza?

«Jau savess dar giugs mintga di», «Neu, nus buin anc in!» – Cu ei setracta da giugs da computer ni da consum d'alcohol, lu ei la toleranza sociala sin talas remarcas aulta ed il prighel che sezuppa davostier vegn bagatellisaus. In dossier tematic dad *education21* cul tel "gudiment ni dependenza?" porscha differents access per scolaris cun scolaras e scolars il process denter in consum controllau e nuncontrollau ed en quei connex discutar la responsabladad dil singul e dalla societad.

Dossier tematic "gudiment e dependenza"



Sabatical - CURSOintensiv

Il modul CURSOintensiv dalla scola aulta da pedagogia da Sogn Gagl cuozza 6 – 10 jamnas ed ei sco fatgs per persunas d'instrucziun che vulan far ina pausa professiunala e se-dedicar a lur management persunal. Ei dat era avunda temps per serevegnir, rir ed emprender zatgei niev. Gl'accumpignament professiunala dalla direcziun dils cuors possibilitescha novas vestas en connex cun la situaziun professiunala e privata e rinforza la persunalitad.

Informaziuns CURSOintensiv



Register mieds d'instrucziun 2023/24

Il register dils mieds d'instrucziun 2023/24 vegn approbaus e publicaus mintg'onn dalla regenza. Il register enumerescha ils mieds d'instrucziun obligatoris e recumandai

per las scolas popularas dil Grischun.

Register mieds d'instrucziun Grischun 2023/24



Mutaziun egl inspectorat da scola

Cun gl'emprem da schaner 2024 surpren Philipp Hugentobler la direcziun digl inspectorat da scola cantunal e succeda ad Andrea Caviezel. Philipp Hugentobler lavura dapi igl onn 2019 sco inspectur da scola el district Plessur-Grischun central. Nus gratulein cordialmein per sia elecziun!

Salids amicabels

Chantal Marti-Müller
Menadra USS

Andrea Caviezel
Menader inspectorat da scola GR

Part regiunala

Planisaziun VPS 2021-26

Gl'onn da scola 2023/24 vegnan las suandontas scolas evaluadas:

Tujetsch	30-10-23 – 03-11-23
Vals	27-11-23 – 01-12-23
Disentis/Mustér	15-01-24 – 19-01-24
Lumnezia primara	12-02-24 – 16-02-24
Lumnezia sec I	11-03-24 – 15-03-24

Occurrenza cun cussegls da scola

L'occurrenza cun cussegls da scola ch'ei vegnida annunziada pils 14 da zercladur ha buca liug.

Nus vegnin a comunicar il termin digl atun ad uras e selgrein da lura saver beneventar Vus a quella occurrenza.

Examen da recuors: 30/31 da matg 2023

Nus supplichein las persunas d'instrucziun da classa da buca planisar occurrentzas da scola quels dus dis.

Cun cordials salids
Inspectorat da scola Surselva
Alexi Nay / Vigeli Jacomet

